

adr-

ALTERNATIV DEMOKRATESCH
REFORMPARTEI

de pefferkär

D'Alternativ fir Diddeleng

Gemengewalen 2017

ADR: eng kloer Sprooch!

D'ADR ass d'Partei vun der Rentegerecht-
tegkeet. D'ADR ass d'Partei vum Referendum,
mat hirem 3x Nee. D'ADR huet gewisen, datt
si denkt, wéi d'Leit am Land och denken.

D'ADR ass eng jonk Partei mat just 30
Joer. Vun hire soziale Wuerzelen huet si sech
weiderentwéckelt zu enger sozial engagéi-
erter, un de Wäerter vum Land orientierter
Partei. D'ADR verdeedegt d'Demokratie an
d'Rechter vum Einzelnen. Duerfir wëlle mir ei-
sen Asaz an der Gemeengepolitik verstärken.

Mir bezéie kloer Positionen, an eis Haupt-
themen bleiwen an der Gemeengepolitik
aktuell

- Lëtzebuerger Sprooch a Kultur
- Integratioun

- Schoul, Familljen- a Sozialpolitik
- Antriede fir d'Privatsphär an
d'Meenungsfräiheet, mee och fir
d'Sécherheet
- eng humanistesche a rechtliche Approch
zur Flüchtlingspolitik
- Hannerfroen vum EU-Exzess an
d'Betoun vum Wäert vum National-
staat
- fräi Marktwirtschaft a keng Verwal-
tungswaasserkäpp.

D'ADR verdeedegt de Prinzip vun enger
staarker Gemeengenautonomie. Nom Sub-
sidiaritätsprinzip soll de Staat sech just ëm
Aufgaben këmmeren, déi net besser vun der
Gemeng ze erleeede sinn.

Wouhi mam Verkéier zu Diddeleng?

De Verkéier ass eng Plo zu Diddeleng. D'Autobunn
an d'Stad ass dacks zou. D'Uertsafahrt iwwer d'Lët-
zebuerger Strooss ass net besser drun. An Diddel-
eng, der Stad vum de ville Barriären, ass de Verkéier
duerch d'Zich obgehale.

Den Duerchgangsverkéier ass enorm a vill Tank-
stellen a grouss Geschäfte zéien ëmmer méi Au-
toen un. Trotzdeem gëtt d'Gewinn tëscht Diddeleng
an Beetebuerg weider zoubetonéiert. An zwar mat
der Zoustëmmung vun deene Politiker, déi sech

awer op där anerer Säit iwwer de Verkéier opreegen.
Méi Geschäfte a méi Betriber schueden de Bierger
a Geschäftsleit vun Diddeleng a Beetebuerg. Ent-
sprechend grouss sinn d'Stauen an de Spëtteston-
nen.

Nach guer net anzeschätzen ass den Impakt vum
Logistikzenter, dee bis zu 3.000 weider Camion kéint
an de Raum Diddeleng-Beetebuerg lackelen. Dobäi
kënnt den Autosverkéier vu wäit iwwer 1.000 Leit,
déi do sollen eng Aarbechtsplaz fannen. De Verkéiers-
chaos gëtt nach méi grouss.

D'Lëtzebuerger Strooss huet
scho genuch Traffic mat der Op-
faart op d'Collectrice an op
d'Autobunn, dem Step, dem
Staatslabo an den aktuellen
Industrie- a Geschäftszonen
tëscht Diddeleng a Beetebuerg.

D'ADR proposéiert op der
Säit 6 vum dësem Pefferkär
konkret Pläng, fir datt dat
net geschitt. Eemol gëtt do
d'Méiglechkeet behandelt, fir
d'Zuchgleiser am Zentrum ën-
nerierdesch ze leeën.

An donieft kucke mer eng Uree-
gung vun der Biergerinitiative
Büreg 21 fir en "Train-Tram".



Eng wonnerschön Allee hätt bal misse stierwen ... fir nach méi Verkéier.

Inhaltsverzeechnes

ADR: eng kloer Sprooch

Wouhi mam Verkéier zu Diddeleng?

Säit 1

Alternativen am Sport, bei der Gesondheet an
der Kultur

Säit 2

D'Lëtzebuerger Sprooch a Kultur
op déi éischt Plaz!

Behënnerten- a senioregerecht Politik

6 Prioritéite fir Är Gemeng

Solidaritéit a Gerechtegkeet

Säit 3

Kompetent politesch Gouvernance, w.e.g.!

[Mëmbler-Formular](#)

Säit 4

Konkret Hëllef fir Famillje mat Kanner

Keng Parkplatzsuerge fir d'Awunner

Tourismus läit eis um Häerz!

Säit 5

Wéi geet de Verkéiersknuet Diddeleng-Beete-
buerg op?

Flüchtlingen ophuelen, mat Häerz, awer och
mat Verstand

Säit 6

Ëmwelt a Liewensqualitéit sinn eis
wichtig! **Säit 7**

[Eis Kandidat fir Är Gemeng](#)

Säit 8



Walprogramm (Lëtzebueresch)

• https://adr.lu/alternativ_2017_l/

Wahlprogramm (Deutsch)

• https://adr.lu/alternativ_2017_d/

Programme électoral (Français)

• https://adr.lu/alternativ_2017_f/

Election program (English)

• https://adr.lu/alternativ_2017_e/

Programa eleitoral (Português)

• https://adr.lu/alternativ_2017_pt/



Alternativen am Sport, bei der Gesondheet an der Kultur

D'ADR an der Gemeng setzt sech och an am Beräich ...

... Sport:

Am Aklang mat de reelle Bedierfnesser vun de Clibb setzt sech d'ADR voll a ganz fir d'ënnerstëtzung vu lokale Sportsveräiner an. Grad zu Diddeleng sinn eis Veräiner all Joer Garant fir deen een oder aner Meeschtertittel an alle Sportarten. Si droen och bäi zum gudde Numm vun eiser Stad am Minett an am Land.

Mir sinn der Meenung, datt een iwwert den Engagement vun de Sportsclubb integrativ d'Kanner- a Jugendbetreiung ënnerstëtze muss. Sportprogrammer sollen sech zudeem un de breede Publikum richten a Bierger aus allen Altersklasse sollen u sportlechen Aktivitéiten deelhuele kënnen. D'ADR an ärer Gemeng wäert

- deene lokale Sportsveräiner finanziell ënnert d'Äerm gräifen an hinnen déi néideg Infrastruktur zur Verfügung stellen
- Sport och am drëtten Alter mat adaptéierte Méiglechkeete fërderen an ënnerstëtzen
- eng global Versécherung ofschléisse fir Fräizäitaktivitéiten, déi d'Gemeng ubidd
- Sportsinstallatiounen an de Parken opstellen fir de breede Publikum



Diddeleng ass Sportstad a soll dat och bleiwen.

adr-
ALTERNATIV DEMOKRATESCH
REFORMPARTEI

D'Alternativ fir Är Gemeng!

www.adr.lu

... Gesondheet:

D'ADR an ärer Gemeng wäert am Beräich vun der Gesondheet:

- Zu Diddeleng wëlle mir eng Maison médicale, déi all Dag 24 Stonnen op ass
- Konzepter erschafe, déi d'Versuergung um medezineschen Niveau verbessern
- Déi medezinesch a medikamentéis Versuergung an Noutfäll, nuets an de Weekend méi effikass gestalten a soumat verhënnern, datt de Bierger wäit Weeër muss zrëckleeën, fir medezinesch a medikamentéis versuergt ze ginn.

Kultur:

D'Fërderung vun engem spannenden a faarwege Kulturliewen ass eng vun der Gemeng hiren zentralen Aufgaben. D'ADR an ärer Gemeng wäert:

- lokal Kulturveräiner a Kulturhaiser beim Erschafe vun engem variéierte Kulturprogramm materiell a finanziell ënnerstëtzen
- kulturell Veranstaltungen (Concerten/Theater) an der Gemeng organiséieren/ënnerstëtzen — och mat Akzent op d'Lëtzebuerger Kultur
- d'Lëtzebuerger Kultur fleegen an un auslännesch Matbierger vermëttelen — fir d'Integratioun ze fërderen

D'Lëtzebuerger Sprooch a Kultur op déi éischt Plaz!

D'ADR ass déi Partei, déi sech wéi keng aner hei am Land an ouni Kompromëss fir d'Lëtzebuerger Sprooch a Kultur setzt. Mir setzen eis dofir an, datt eis Lëtzebuerger Sprooch esou wuel op nationalem, wéi och op kommunalem Niveau zu hirem Recht kënnt.

D'ADR setzt sech gär an, datt d'Lëtzebuerger Sprooch un éischter Plaz steet:

- an de Gemengepublikatiounen
- a Bréiwer, Dokumenter an Informatiounen
- um Internet-Site vun der Gemeng
- an der Äntwert op een - op Lëtzebuergesch formuléierte - Bréif
- op Stroosseschëlde



Firwat net méi Lëtzebuergesch op der Gemeng? Si mär keng?

- Integratiounshëllef mat gratis Sproochcoursen (eventuell mat enger Aschreiw-tax, déi bei Presenz an de Couren zeréckbezahlt gëtt). Déi Coursen sollen och ausserhalb vun übleche Schaffzäiten ugebuede ginn.

D'ADR huet kee Problem domat, wann d'Awunner vu Lëtzebuerg och an anere Sproochen informéiert ginn. Allerdéngs hale mir dorop, datt Lëtzebuergesch déi éischt Sprooch ass.

Behënnerten- a senioregerecht Politik

D'UN-Konventioun fir d'Rechter vu Mënsche mat Behënnerung gouf 2011 vu Lëtzebuerg ratifizéiert. Och wann hei punktuell scho munches ëmgesat gouf, sou feelt nach ëmmer viles. Ëmmer nach stoussen déi betraffe Leit op schwiereg Situatiounen, déi hinnen et net erlaben, u gesellschaftlechen Uläss deelzehuelen oder sech fräi an der Gemeng ze beweegen, ouni op äusserlech Aschränkungen ze stoussen.

D'ADR setzt sech dofir an, datt déi gesamt Gemengeninfrastruktur am Laf vun der nächster Legislaturperiod behënnerten- a senioregerecht gemaach gëtt. Diddeleng huet heideran eng besonnesch Verantwortung als Heem fir vill Matbierger mat Behënnerung.

Dëst betrëfft esouwuel den Accès wéi och d'Beweegen ënnerhalb:

- administrativen a kulturelle Gebaier



Diddeleng muss behënnertegerecht sinn.

- Gebaier vu Bildungs- a Betreuungsstrukturen
- Gebaier vum Gesondheetssystem a vu Fleegestrukturen
- Kierchen a Kierfechter
- Sport- a Fräizäitanlagen
- Sanitär-Anlagen
- Verkéiersstrukturen, wéi z.B.: Foussgängerluuchten, Stroosseniwergäng, Busarrêten ...

Duerfir muss en Inventar opgestallt ginn, an deem fir all ëffentlech Infrastruktur an der Gemeng festgehale gëtt, ob si behënnerten- a senioregerecht amenagéiert ass. Am Gemengebudget muss dann och all Joer e Programm a Kreditter festgehale ginn, fir dës spezifesch Infrastruktur ze verbesseren.

Desweideren wäerte mir och d'Bautereglement esou änneren, datt nei Apartmentschaiser a Geschäftslokaler direkt no behënnerten- a senioregerechte Kritäre musse gebaut ginn.

D'ADR wäert dofir suergen, datt eng integral behënnerten- a seniorefrëndlech Upassung vun alle Gemengeninfrastrukturen net just a Sonndesriede versprach gëtt, mee och an d'Realitéit ëmgesat gëtt.

6 Prioritéiten fir Är Gemeng

1. **Bezielbaart Wunnen:** D'ADR huet konkret Solutiounen fir d'Gemeng!
2. **Ëffentlech Sécherheet** heescht Sécherheet fir jiddereen.
3. **Mobilitéit ouni Dirigismus:** D'Gemeng organiséiert de Matenee vun Auto, Foussgänger a Velo. Si mécht net de Choix vum Verkéiersmëttel.
4. **Famillje mat Kanner beschtméiglech ënnerstëtzen:** Mir brauchen Uertschaften, wou Kanner sech kënne wueffelen an entfalten.
5. **D'Lëtzebuerger Sprooch als wichtegst Mëttel zur Integratioun:** Un der Gemeng ass et, eis Sprooch ze verbreedden.
6. **Flüchtlingen ophuelen, mat Häerz awer OCH mat Verstand:** D'Gemeng muss an dëser Fro matschwätzen an d'Decisiounen dierfen net iwwer d'Käpp vun de Bierger ewech geholl ginn.

Solidaritéit a Gerechtegkeet

Solidaritéit a sozial Gerechtegkeet droen zu enger gudder Liewensqualitéit bäi. Fir d'Solidaritéit géigen iwwer deene Matbierger am héijen Alter an deene mat Krankheeten oder Behënnerungen, muss och d'Gemeng mat Verantwortung droen. D'Gemeng soll zesumme mat spezialiséierten Associatiounen an Hëllefsgéngschter dozou bäidroen, datt déi betraffe Leit net aus dem gesellschaftlechen, kulturellen a sportleche Gemengeliewen ausgeschloss ginn.

Fir dëser Verantwortung gerecht ze ginn, suergt d'ADR dofir, datt d'Gemeng

- intergenerationell Projete ausschafft a fërdert
- e qualitativ héichwäertegen an ëmweltfrëndleche Service "lessen op Rieder" ubitt
- de Ruffbus als flexiblen Transport fir déi Betraffen, fir um alldeegleche Liewe kënnen deelzehuelen
- kommunal Gebailechkeete fir d'Geschäftswelt ze erhalen, z.B. iwwer de Wee vum symbolesche Loyer



Eng flott nei Plaz ass net alles: De Gesamtkonzept muss gutt sinn.

Kompetent politesch Gouvernance, w.e.g.!

D'ADR steet fir eng staark Gemengenautonomie: All Themen, déi op kommunalem Niveau behandelt kënnen ginn, sollen och an der Verantwortung vun der Gemenge bleiwen. Mir setzen eis a fir eng selbstbestëmmt an eegenverantwortlech Gemeng. Fir datt d'Gemegepolitik an deem Sënn hirer wichteger Aufgab voll a ganz gerecht kënnen ginn, well d'ADR an ärer Gemeng ëmsetzen:

Eng systematesch Ënnerstëtzung vun de Gemengen- a Schäfferéit duerch Besiche vu Formationen a Weiderbildungen.

D'ADR an ärer Gemeng setzt sech desweidere fir eng verantwortungsvoll a nohalteg Finanzpolitik an.

- Wann et nëmme geet, keng Erhéijung vun den Taxen oder Gemengesteieren
- Wann et nëmme geet, kee Léine vu Suen
- D'Léine bleift d'Ausnam an därer nëmme dann ugewannt ginn, wann et sech op konkret a sënnavoll Investitiounen bezitt.
- Investitiounen si sënnavoll, wa méiglech vill Bierger dovun profitéieren (natierlech ouni dobäi déi Léit mat spezielle Bedürfnissen ze vergiessen)
- D'ADR mécht sech géint Korruptioun a Vetterwirtschaft och op kommunalem Niveau staark!
- D'ADR an ärer Gemeng setzt sech an, datt d'Entwécklungshëllef prioritär eng staatlech, a net eng kommunal Aufgab bleift.
- Wellen d'Gemengen hir eege Programmer fir Ent-

wécklungshëllef opstellen, sollen dës mam Staat koordinéiert ginn, fir duebel Aarbecht an Inkohärenzen ze verhënneren

- D'ADR an ärer Gemeng setzt sech a fir méi Biergerbedeelegung.
- Bei wichtegen kommunalen Froen soll de Bierger matschwätzen dürfen!
- Et soll an deem Sënn kënnen ee Referendum op kommunalem Niveau ofgehale ginn!



Fir datt Diddeleng Diddeleng bleift!

----- ausschneiden an un ADR 20, rue de l'Eau L-1449 Lëtzebuerg schécken -----



Gidd Member an der ADR, a frot och Aër Familljemembren a Frënn, fir Member ze ginn.

De Joresbeitrag ass fir eng Persoun 14.-€, fir e Stot 20.-€, a fir Schüler a Studenten 5.-€

Numm & Virnumm:

Adress:

Telefon:

Email:

de pefferkär

Oplag: 8.450
Verantwortlech fir dës
Pefferkär
vun der Gemeng Diddeleng
ass d'Alternativ Demokratesch
Reformpartei
22, rue de l'Eau
L-1449 Lëtzebuerg

www.adr.lu

Konkret Hëllef fir Famillje mat Kanner!



D'ADR wëll e fräie Choix fir Kanner doheem oder an de Crèchen ze versueren.

D'Kanner sinn d'Zukunft vun eiser Gesellschaft. Eng optimal Betreuung an Erziehung, déi och de neie Liewensgewunnechte gerecht gëtt, huet fir d'ADR absolut Prioritéit. D'ADR wëllt den Elteren de Choix loossen, hir Kanner selwer ze erzéien oder qualitativ héichwäerteg Strukturen ze gebrauchen. Wichtig sinn eis dobäi besonnesch och d'Problemer vun elengerzéienden Elteren.

An deem Kontext stellen sech och op kommunalem Niveau eng ganz Rei wichtig Erausforderungen, déi d'ADR bereet ass, an eiser Gemeng unzepaken, andeems mir:

- eis asetze fir qualitativ héichwäerteg Crèchen an genuch Plazen an de Gemengecrèchen
- en oppenen Dialog féieren tëscht den Elteren, der Gemeng an de Betreuungsstrukturen (z.B. Jugendhaus, Crèchen,

Schoulen asw.), fir esou méiglech Defiziter méiglechst séier erkennen a mat Verbesserungen entgéintwierke ze kënnen

- eis fir eng Maison Relais zu familjefrëndlechen Auerzäiten a mat Zougang op eng Bibliothék, en Turnsall a Computere fir d'Kanner asetzen

• d'Interesse vun de Kanner u kommunale Veräinsstrukturen (Sportsveräiner, Museks- an Theaterveräiner asw.) fërderen a si fréistméiglech an d'Veräinsliewen abezéien (beispillsweis duerch Schnupperperformatiounen)

- d'Jugend beroden, hinne Fräizäitméiglechkeete bidden a hinnen hëllef, sech op d'Aarbecht virzebereeden (mat engem qualitative Konzept fir Projeten zur beruflecher Orientéierung)
- Aarmut biergerne an onbürokratesch bekämpfen an d'Prozedure fir d'Ufroe vun Hëllef vereinfachen
- e familljen- a kannerfrëndleche Kader schafen, mat Spillplazen, ëffentlech Wéckeldëscher, asw.



Diddeleng: Tourismus net grad groussgeschriwwen.

Tourismus läit eis um Hæerz!

Fir vill Gemenge spillt den Tourismus eng wichtig Roll. Dofir dréit nieft dem Stat och d'Gemeng an eisen Aen mat Verantwortung an dësem Beräich.

D'ADR wäert:

- regional an interkommunal Vëlospisten a Foussweeër
 - ausbauen an ënnerhalen
 - korrekt an iwwersiichtlech beschëlderen
- ëm den Tourismus beméite lokal a regional Syndikater an Tourismusbüroen ënnerstëtzen, fir touristeschen Hebergementer an Aktivitéiten an der Gemeng ze hëllef
- duerch Moosnamen iwwert d'Gemengereglement verhënneren, datt nei Forme fir Touristen opzehuelen (wou z.B. privat Leit hir Zëmmeren zur Verfügung stellen), deenen an der Gemeng etabléierten Hotellen deloyal Konkurrenz maachen
- d'Konzept vu der Vakanz um Bauerenhaff ënnerstëtzen an historesch Bausubstanzen erhalen.

Keng Parkplatzsuerger fir d'Awunner

D'Parksituatioun an de Gemenge gëtt ëmmer méi schwéier.

Duerfir sti mir fir de generaliséierte Parking résidentiel an alle Wunnzonen. Op de Gemengen-Parkplazen, déi net fir P&R sinn, ass d'Parkdauer vu 7 Auer mueres bis 18 Auer op 4 Stonne limitéiert, fir ze verhënneren, datt Pender hir Autoe heihistellen.

Mir wëllen och derfir suergen, datt de Parking résidentiel an der Gemeng eenheetlech an anstänneg gereegelt ass. Eng Vignette soll den Awunner onbegrenzt Parkrecht an hirem Quartier an zousätzlech mindestens 2 fräi Parkstonnen um iwwregen Terrain vun der Gemeng ginn.



Et ass enk, op de Stroossen an op de Parkinger.

Fleegdëngschter am Asaz beim Bierger kréie bei eis eng gratis Parkvignette,

Matschaffen!

Froen?

Ureegungen!

Hutt Dir Froen oder Ureegungen? Oder géngt Dir gär aktiv bei eis matschaffen? Dann zéckt net a rufft einfach un, ënnert der Nummer:

+352 26 20 37 06

Wéi geet de Verkéiersknuet Diddeleng-Beetebuerg op?



D'Gewan tëscht Diddeleng a Beetebuerg gëtt Affer vum Wuesstem a vun der Verkéiersplanung.

Fir d'Hauptlaascht vum Diddelenger Verkéiersproblem unzegoen, gëtt et zwee interessant Usätz, déi sech gutt matenee verbanne loos-sen. Si géinge no a no d'Léisung vum Problem bréngen.

Scho fir d'Gemengewalen 2011 hat d'Diddelenger ADR d'Iddi vun enger Ënnertunnelung vun den Zuchsgleiser duerch Diddeleng viirge-stallt. Dee Plang gesäit fir:

- d'Gleiser ënnerierdesch ze féieren vu virun der Diddelenger Gare bis ongeféier op d'Héicht vum Waassertuurm.
- dräi Barriäre géingen esou ewech falen (Keeler Strooss, Jean-Jaurès-Strooss a Karl-Marx-Strooss)
- d'Trass vum Zuch notzen fir eng nei Verkéiersplangung mat enger anstänneger Duerchgangsstrooss vun der franséischer Grenz bis hannert den alen Kierfecht op d'Beetebuurger Strooss
- e flotte Wunn- a Parking-Arrangement an de Stroossen Etang a Chemin de fer

• Dat ass en éiergäizege Projet, deen net an e puer Méint ka realiséiert ginn. Duerfir huet d'ADR mat vill Interessi verfollegt, wat am Kader vun dem Biergerprotest iwwer d'Pläng fir d'Lëtzebuurger Strooss ofzeholzen geschitt ass.

• Datt dat net passéiert ass, bleift de Verdéngscht vun der Biergerinitiative Biireng 21

D'Iddi mam Train-Tram vu Biireng 21

En Train-Tram wéi de Citadis Dualis ass en intelligente Mix tëscht Zuch an Tram, deen d'Viirdeeler vun deenen zwou Zorte Gefierer matenee verbënnt, wéi d'Biergerinitiative erkläert.

• eng Villzuel vun Dieren pro Wagon, fir d'Eran- an Erausklammen méi séier ze maachen

- d'Méiglechkeet, fir d'Kräizungen vu Strooss a Schinn mat roude Luuchten ze organiséieren (an déi vill Barriären zu Diddeleng géingen ewechfalen)
- en Train-Tram ka Schrëtttempo fueren an op oppener Streck bis zu 100 km/h (wichtig fir Direktverbindungen an d'Stad)
- d'Gefier ka no Bedarf méi grouss a méi kleng gemaach ginn, an et kënne iwwert 300 Passagéier transportéiert ginn, am Géigesaz zu den ale ramponéierte Autorailen, déi an der Zäit tëscht Diddeleng a Beetebuerg zirkuléiert sinn.

Laangfristeg kéinten den Train-Tram, dee relativ séier asetzbar ass, an den Zuchtunnel den Diddelenger Verkéiersknuet opmaachen. Ee Grond fir op d'Infoversammlung vu Biireng 21, **den 28. September, um 19 Auer am alen Hild** gespaant ze sinn.

Flüchtlingen ophuelen, mat Häerz, awer och Verstand

Bei der Flüchtlingspolitik ass d'ADR fir human Léisungen, ënner Berécksiichtigung vun deene relevanten internationale Konventionen. Mir sinn net d'accord mat der Flüchtlingspolitik vun der EU a Regierung. Europa kann net jiddereen ophuelen a Lëtzebuerg scho guer net. Dowéinst wëll d'ADR deene Leit Hëllef bidden, déi d'Hëllef wierklech brauchen. D'ADR ass géint e Quotesystem fir d'Migranten op d'Gemengen ze verdeelen. Mir bestinn op de Prinzip vum fräie Wëllen, geknäppt u Konditiounen.

Fir d'Opnam an der Gemeng gëllt:

- net de Stat eleng decidéiert, mee och déi eenzel Gemeng an hir Bierger entscheede mat iwwer d'Opnam vu Flüchtlingen
- hält eng Gemeng fräiwëlleg Flüchtlingen op, kréie si Ënnerstëtzung vum Stat
- fir Flüchtlingen opzehuelen, muss d'Gemeng e volontarischen Integratiounsplang hunn
- mat der Flüchtlingsopnam duerf et net zu Parallelgesellschaften kommen

Fir d'Wunnengsfro gëllt:

- sougenannte Containerdierfer brauchen den Accord vun der Gemeng

- de Stat soll net just iwwer d'Prozedur vum POS (plan d'occupation des sols) verfueren
- et däerf net zu "Ghettoen" kommen
- et gi kloer Prozedur fir ALL Leit, déi eng Wunneng brauchen a sichen, ouni Privilegierung oder Diskriminierung vun enge oder aneren

Fir d'Integratioun vun deene Flüchtlingen, déi bleiwen däerfen, gëllt:

- d'Gemeng huet eng aktiv Roll am Dialog tëscht de Flüchtlingen an de Bierger a Veräiner
- en Integratiounsplang muss opgestallt ginn, fir d'Leit, déi bleiwen däerfen, séier Lëtzebuergesch ze léieren a si optimal ze integréieren
- d'Kanner sollen an d'Aktivitéiten vu kommunale Betreiestrukturen agebonne ginn
- Kanner am Grondschoulalter, sollen an der kommunaler Grondschoul opgeholl ginn, ënnert der strikter Bedéngung, datt de Schoulministère zousätzlech Ressourcen (besonnesch Personal a Material) dofir bereet stellt

Ëmwelt a Liewensqualitéit sinn eis wichtig!



En Terrain fir sech auszotoben ... wichtig, mee net grad eng Top-Prioritéit.

Der ADR läit d'Ëmwelt um Häerz. Mee d'Problemer mat deem onerhéierte Wuesstem, dee Lëtzebuerg iwwer d'Joerzengte kennt, verlaangen no Léisungen.

Gemengen kënnen iwwerméissege Waasser- an Energiekonsum an iwwerméissegen Offall richtig deier maachen. Si kënnen Bauviirschrëfte maachen, fir datt energiebewosst gebaut gëtt. Si kënnen Gréngzonen definéieren a Land vum Wunnengsbau verschounen. Si kënnen dem Bierger hëllef, säin Dreck ze triéieren a richtig ze entsueren.

Eng Gemeng muss awer ëmmer am Déngscht vum Bierger schafen a seng Interessien an Iddien am Aen hunn.

Si ass do fir dem Bierger ze hëllef an net, fir hien ze schikanéieren.

Si ass och net do, fir hien ze erzéien. De Bierger soll ëmmer de Choix hunn, wéi hie säi Liewe wëll féieren a sech wëll organiséieren!

"Intelligent Compteuere" hëllef dem Bierger, fir säi Stromverbrauch ze verstoen. D'Gemeng an de Stat hunn awer kee Recht, op



Trafic-Experimenter mat Shared Space an der enker Niddeschgaass.

Grond vun dësen Donnéeën dem Bierger seng Gewunnechten auszuspionéieren.

Liewensqualitéit an de Wunnquartiere heescht: kee wëlle Parking, kee Nuetskaméidi, öffentlech Feieren do, wou se net d'Nuetsroustéieren ...

Gemengebaier sinn ideal fir effikass Solaranlagen opzestellen: All Bierger ka sech finanziell dodru bedeelegen an dovu profitéieren. Och Kogeneratiounsanlagen maache Sënn.

Duerfir wäert d'ADR an der Gemeng dës Regeln duerchsetzen:

- Gemengeservicer op iwwerméissege Ressourcekonsum (Verbëtzen duerch schlecht Waasserleitungen ...) an ëmweltschounend Praktiken präifen (Botz- a Planzeschutzmëttel, Käercher, Bloss- a Suckelapparater fir d'Strooss propper ze halen ...).
- Infrastrukturen wéi Kanäl, Leitungen a Kläranlagen plangen mam Wuesstum vum Land a vun der Awunnerzuel am Hannerkapp.
- Ëmwelt- an Energienormen dierfen net dem Bierger Nodeeler bréngen oder de Choix huelen.
- 30 Fudder Waasser gratis op de Kapp an duerno eng progressiv gestaffelt Tax.
- Wann eng Gemeng net laanscht d'Erweiterung vum Baupérimeter kënnt, muss dat esou ëmweltschounend wéi méiglech (keng wäertvoll Gréngzonen) an am Respekt vum Uertscharakter (keng laanggezunne Stroossendierfer) geschéien.
- D'Beanträchtegung vun der Liewensqualitéit duerch iwwerméissege Kaméidi an iwwerméissege Nuetsbelichtung kontrolléieren an aschränken.
- Eng Gemeng brauch net just schéi Parken a Plaze mat Beem a Blummen: Si brauch och Gaardekolonien a Gemeinschaftsgäert a Wisen, wou d'Leit kënnen spille, Sport driewen, sech fit halen ...
- De Bierger hire Wësch (Sondage) bei der Wunndensitéit (Haiser fir méi Familljen) an Awunnerzuel soll no Informationsversammlungen bei der Gemengeplanung Rechnung gedroe ginn.



Al a ganz al Konzepter vum soziale Wunnengsbau am Brill: haut nach denkbar?



Haas Vic
71 Joer
Gemegeconseiller



Block Maggy
63 Joer
Hausfra



Bouchard Guy
61 Joer
Apdikter



Bouchard-Kaspar Sandra
49 Joer
Chargée de Cours



Büchler Maurice
63 Joer
Pensionéiert



Contins Antonio
36 Joer
Fräiberuffler



Dos Santos João
70 Joer
Pensionéiert



Fernandes de Almeida Helena
56 Joer
Vendeuse



Freitas da Costa Julia
57 Joer
Serveuse



Gibéryen Alain
47 Joer
Salié



Kaysen Jean
61 Joer
Pensionéiert



Kraemer Pierre
59 Joer
Handwierker



Lauer Willy
47 Joer
Salié



Mich Sandra
43 Joer
Hausfra



Neto João
49 Joer
Invaliderentner



Schmit Michèle
53 Joer
Saliée



Turmes Manuel
56 Joer
Staatsemployé



Villwock Bernard
69 Joer
Pensionéiert



Ziger Eugène 77 Joer
Pensionéiert